

駢文舉要卷二

王子淵一首

王褒字子淵琅邪臨沂人。工屬文。梁武帝喜其才。璽以弟鄱陽王恢之女妻之。襲爵南昌縣侯。梁元帝嗣位。遷吏部尚書。左僕射。魏伐江陵。元帝授褒都督城西諸軍事。江陵破。褒與王克劉劢宗傑殷不害等數十人俱至。長安授褒等車騎大將軍儀同三司。建德以後。頗參朝議。凡大詔冊皆令褒具草。後出爲宣州刺史。卒。周書北史均有傳。

與周弘讓書

見卷一周弘讓荅書注

嗣宗窮途。楊朱歧路。征蓬長逝。流水不歸。舒慘殊方。炎涼異節。木皮春厚。桂樹冬榮。想攝衛惟宜。動靜多豫。以上異地之感

晉書阮籍傳曰。籍字嗣宗。陳留尉氏人也。任性不羈。時率意獨駕。不由徑路。車迹所窮。輒慟哭而反。列子說符篇曰。楊子之鄰人亡羊。既率其黨。又請楊子之豎。追之。楊子曰。嘻。亡一羊何追者之衆。鄰人曰。多歧路。既反。問獲羊乎。曰。亡之矣。歧路之中。又有歧焉。楊子蹙然變容。不言。

者移時不笑者竟日弟子出以告心都子心都子曰大道以多岐亡羊學者以多方喪生風俗通皇霸篇曰楊朱哭於歧路。商子禁使篇曰今夫飛蓬遇飄風而行千里曹子雜詩曰轉蓬離本根飄颻隨長風。應德璉別詩曰浩浩長河水九折東北流晨夜赴滄海海流亦何抽遠適萬里道歸來未有由。張平子西京賦曰夫人在陽時則舒在陰時則慘班孟堅西都賦曰殊方異類。班婕妤怨歌行曰常恐秋節至涼風奪炎熱。漢書鼂錯傳錯言守邊備塞曰夫胡貉之地積陰之處也木皮三寸冰厚六尺北堂書鈔歲時部引尸子曰朔方之寒冰厚六尺木皮三寸初學記歲時部御覽時序部引並同。楚辭遠遊曰嘉南州之炎德兮麗桂樹之冬榮曹子建朔風詩曰桂樹冬榮。梁簡文帝與智琰法師書曰攝衛已久。爾雅釋詁曰豫樂也又曰豫安也

賢兄入關敬承款曲猶依杜陵之水尙保池陽之田鏹迹幽蹊銷聲穹谷何其愉樂

幸甚幸甚

以上因弘正至周知弘讓之近況

陳書周弘正傳曰字思行汝南安成人天嘉元年遷侍中國子祭酒往長安迎高宗三年自周還。後漢書光武帝紀曰諸母相與語曰文叔少時與人不款曲。漢書地理志京兆尹杜陵

縣原注曰故杜伯宣帝更名水經渭水注曰浼水又西北逕下杜城即杜伯國也御覽逸民部引嵇康高士傳曰蔣詡字元卿杜陵人爲兗州刺史王莽爲宰衡詡奏事到灊上稱病不進歸杜陵荆棘塞門舍中三徑終身不出時人諺曰楚國二龔不如杜陵蔣翁。漢書地理志左馮翊有池陽縣又溝洫志曰趙中大夫白公穿渠引涇水溉田民歌之曰田於何所池陽谷口案漢杜陵縣今陝西長安縣南池陽縣今陝西涇陽縣西北借以喻弘讓居句容非指弘正入關時居長安也句容屬丹陽郡故以漢三輔爲喻下文長安亦然與北周都長安無涉也南史弘讓傳曰承聖二年爲仁威將軍城句容以居之命曰仁威壘此曰猶依曰尙保殆指此。莊子天運篇曰削迹於宋文選蕪城賦注引蒼頡篇曰鑿削平也。莊子則陽篇曰其聲銷其志無窮穹谷見周弘讓書注。周書其作期

弟昔因多疾亟覽九仙之方晚涉世途常懷五嶽之舉同夫關令物色異人譬彼客卿服膺高士上經說道屢聽玄牝之談中藥養神每稟丹砂之說以上述昔日習道家養生之法

列仙傳曰涓子者好餌朮接食其精受伯陽九仙法淮南王安少得其文不能解其旨也。五嶽見周弘讓書禽尙句注。史記老子韓非傳曰老子至關關令尹喜曰爲我著書列仙傳曰

關令尹喜者周大夫也。善內學。老子西遊。喜先見其氣。知有真人。當過物色而迹之。果得老子。史記蘇秦傳曰。東周雒陽人也。東事師於齊。而習之於鬼谷先生。又曰。蘇秦亡走齊。齊宣王以爲客卿。又張儀傳曰。魏人也。與蘇秦俱事鬼谷先生。學術。又曰。秦惠王以爲客卿。藝文類聚人部二十引袁淑真隱傳曰。鬼谷先生不知何許人也。隱居鬼谷山。因以爲稱。蘇秦張儀師之。遂立功名。先生遺書責之（御覽逸民部責作勉）則高士謂鬼谷先生也。或以蔡澤唐舉事當之誤矣。老子河上公注本論道第一至爲政三十七題曰。道經論德三十八至顯質八十一題曰。德經成象第六曰。谷神不死。是謂玄牝。文選嵇叔夜養生論曰。故神農曰。上藥養命中藥養性者。李善注引本草曰。上藥一百二十種。爲君主養命以應天。無毒久服不傷人。輕身益氣不老延年。中藥一百二十種。爲臣主養性以應人。史記封禪書曰。李少君言上曰。祀竈則致物致物而丹砂可化爲黃金。黃金成以爲飲食器。則益壽。抱朴子金丹篇曰。盡凡草木燒之。即燼而丹砂燒之。成水銀。積變又還成丹砂。其去凡草木亦遠矣。故能令人長生。

頃年事遒盡。髮容衰謝。芸其黃矣。零落無時。還念生涯。繁憂總集。視陰愒日。猶趙孟之徂年。負杖行吟。同劉琨之積慘。河陽北臨空思。鞏縣霸陵南望。還見長安。所冀書

生之魂來依舊壤射聲之鬼無恨他卿白雲在天長離別矣會見之期邈無日矣援

筆攬紙龍鍾橫集

以上懷卿思友感慨交集情文相生俯仰欲絕

楚辭九辯曰歲忽忽而邁盡兮廣雅釋詁曰邁迫也。詩小雅曰苕之華芸其黃矣毛傳曰將

落則黃孔疏曰芸然其色黃而衰矣陳奐曰芸耘之假借耘落也。離騷曰惟草木之零落兮

。莊子養生主曰吾生也有涯。視陰惕日並見周弘讓書注。劉越石荅盧謐書曰塊然獨

立則哀憤兩至負杖行吟則百憂俱至晉書劉琨傳曰字越石中山魏昌人。潘安仁河陽縣

作詩曰昔倦都邑游今掌河朔僊登城眷南顧凱風揚微綃又曰引領望京室皆指鞏洛也又

在懷縣作詩曰卷然顧鞏洛懷縣亦屬河內郡即春秋時河陽也。王仲宣七哀詩曰南登霸

陵岸回首望長安。王忱葬書生事已見弘讓書注又搜神後記曰宋時有諸生遠學其父母

然火夜作兒忽至前歎息曰今我但魂爾非復生人此月初病以今日某時亡在瑯琊任子成

家明日當殮來迎父母父母上車忽若睡比雞鳴已至所在視其駕乘魂車木馬遂與主人相

見臨兒悲哀問其疾消息如言其事亦相合。後漢書曹褒傳曰永元四年遷射聲校尉射聲

營舍有停柩不葬者百餘所褒親自履行問其意故吏對曰此等多是建武以來絕無後者不

得埋掩褒迺愴然爲買空地悉葬其無主者設祭以祀之又班超傳曰超久在絕域年老思土上疏曰常恐年衰奄忽僵仆孤魂棄捐臣不敢望到酒泉郡但願生入玉門關乃徵超還至洛陽拜爲射聲校尉案此兩事不同亦均合續漢書百官志射聲校尉本注曰掌宿衛兵劉注曰蔡質漢儀曰掌待詔射聲士服虔曰工射也冥冥中聞聲則射中之故以爲名。白雲句已見徐孝穆與李那書注。趙景真與稽茂齊書曰攜手之期邈無日矣。方以智通雅曰杜弼爲侯景檄梁曰龍鍾稚子王褒與周弘讓書龍鍾橫集裴度曰見我龍鍾（見劇談錄）元載別妻詩誰不厭龍鍾退之詩白首誇龍鍾（醉留東野）或言老或言淚或言小人行總皆狀其潦倒笨累耳步瀛案此文當依方氏以淚言漢書中山靖王傳靖王曰不知涕泣之橫集也龍鍾盖流淚貌故曰橫集岑參逢入京使詩曰雙袖龍鍾淚不乾亦可證

庾子山二十四首

庾信字子山南陽新野人父肩吾爲梁太子中庶子與徐摛摛子陵及信並爲抄撰學士既有盛才文竝綺豔故世號爲徐庾體焉當時後進競相模範每有一文京都莫不傳誦侯景陷臺城信奔江陵梁元帝承制除御史中丞及即位轉右衛將軍封武康縣侯加散騎常侍聘於西

魏會魏伐梁遂留長安魏平江陵拜使持節撫軍將軍尋進車騎大將軍儀同三司周襄魏遷驃騎將軍開府儀同三司司憲中大夫進爵義城縣侯俄拜洛州刺史時陳與周通好請信及王褒等十數人南歸周唯放王克殷不害等惜信及褒不遣尋徵爲司宗中大夫大象初以疾去職隋開皇元年卒周書北史皆有傳

賀平鄴都表

周書武帝紀曰建德六年春正月乙亥齊主傳位於其太子恆改年承光自號爲太上皇齊主先於城外掘塹豎柵癸巳帝率諸軍圍之齊人拒守諸軍奮擊大破之遂平鄴齊主率數十騎走青州遣大將軍尉遲勤率二千騎追之尉遲勤擒齊主及太子恆於青州（北史周帝紀作尉遲勤北齊書後主紀及北史齊帝紀並作尉遲綱通鑑依周書）案鄴都見徐孝穆書注

臣某言臣聞太山梁甫以來即有七十二代龍圖龜書之後又已三千餘年雖復制法樹司禮殊樂異至於文離武落剡木弦弧席卷天下之心包含八荒之志其揆一

矣。以上帝王之功在乎統一天下起語動盪即伏後段之根最爲得勢

管子封禪篇曰古者封泰山禪梁父者七十二家而夷吾所記者十有二焉又見史記封禪書正義引括地志曰泰山一曰岱宗東岳也在兗州博城縣西北三十里梁父山在兗州泗水縣北八十里清統志曰山東泰安府泰山在泰安縣北五里梁父山在府南一百十里。周易繫辭集解引鄭玄曰春秋緯云河龍圖發洛龜書成藝文類聚祥瑞部引尙書中候曰河龍圖出雒龜書威赤文像字以授軒轅又舜沈璧於河榮光休至黃龍負卷舒圖出入壇畔又堯沈璧於雒玄龜負書出背甲赤文成字止壇。易繫辭曰制而用之謂之法左襄十四年曰天生民而樹之君使司牧之。禮記樂記曰五帝殊時不相沿樂三王異世不相襲禮。吳語申包胥曰民人離落而日以憔悴。易繫辭曰弦木爲弧剡木爲矢。賈生過秦論曰有席卷天下包舉宇內囊括四海之意并吞八荒之心漢書陳勝項羽傳顏注曰八荒八方荒忽極遠之地也。孟子離婁下曰先聖後聖其揆一也。

伏惟皇帝陛下握天樞秉地軸駕馭風雲馳驅龍虎沈雄內斷不勞謀於力牧天策勇決無待問於容成是以威風所振烈火之遇鴻毛旗鼓所臨衝風之卷秋葉竊聞伊洛戎夷幽并僭僞抱關載籍已歸丞相之府銜玉繫綬並詣中軍之營百年逋誅

遂窮巢窟。三代敵怨。俄然掃蕩。以上減齊

蔡邕獨斷曰：天子正號曰皇帝，自稱曰朕。臣民稱之曰陛下、陛階也。所由升堂也。天子必有近臣執兵陳於陛側，以戒不虞。謂之陛下者，羣臣與天子言不敢指斥，故呼在陛下者而告之，因卑達尊之意也。易通卦驗曰：遂皇始出握機矩，注曰：遂皇謂燧人始王天下，但持斗機運之法，指天以施教，令藝文類聚天部引春秋運斗樞曰：北斗七星第二天樞。御覽天部引河圖括地象曰：崑崙山下有八柱，柱廣十萬里，有三千六百軸，互相牽制，名山大川孔穴相通。易乾文言曰：雲從龍，風從虎。後漢書宗室傳贊曰：齊武沈雄，義戈乘風。史記五帝本紀曰：黃帝舉風后力牧，常先大鴻以治民。集解曰：班固曰：力牧，黃帝相也。淮南子覽冥篇曰：昔者黃帝治天下而力牧、大山稽輔之以治。呂氏春秋勿躬篇曰：容成作曆，漢書律曆志曰：黃帝使羲和占日常儀，占月與區，占星氣，伶倫造律，麻大撓作甲子，隸首作算數，容成綜此六術而著調。呂案周書武帝紀曰：建德五年冬十月，帝謂羣臣曰：晉州本高歡所起之地，今往攻之，彼必來援。吾嚴軍以待擊之，必克。然後乘破竹之勢，鼓行而東，足以窮其窟穴，混同文軌。諸將多不願行。帝曰：若有沮吾軍者，朕當以軍法裁之。己酉，帝總戎東伐。魏志陳琳傳琳諫何進曰：以此行

事無異於鼓洪爐以燎毛髮。史記韓長孺傳。安國曰。衝風之末力不能漂鴻毛。後漢書鄭太傳。太曰。猶以烈風掃彼枯葉。伊洛二句。倪璠注曰。謂齊主也。時伊洛幽并皆爲齊地。史記蕭相國世家曰。沛公至咸陽。何獨先入收秦丞相御史律令圖書藏之。漢書高帝紀曰。蕭何盡收丞相府圖籍文書。左昭四年曰。賴子面縛銜璧。造於中軍。史記秦始皇本紀曰。子嬰係頸以組。奉天子璽符。降軹道旁。漢書高帝紀。同顏注曰。此組謂綬也。所以帶璽也。宋書范泰傳。泰曰。百年逋寇。前賢挫辱者多矣。案北齊五主。共二十八年。合東魏十七年。計之猶不及五十年。此云百年。特借古人成語。以見逋誅之久耳。左文六年。史駢曰。吾聞前志有之曰。敵惠敵怨。不在後嗣。案北齊自高歡後。文宣廢帝。孝昭。武成。後主。凡五主。實二代。合歡爲三代。周自宇文泰後。孝閔。明帝。武帝。皆兄弟相繼。合泰爲二代。此云三代。敵怨亦言積怨之深耳。

昔武王。鮪水之師。尙勞再駕。軒轅上谷之戰。猶須九伐。未有一朝指麾。獨決神慮。平定宇內。光宅天下。二十八宿止餘。吳越一星。千二百國。裁漏麟洲小水。若夫咸康之年。四方始定。建武之代。諸侯並朝。不得同年而語矣。雖復八風並唱。未足頌其英聲。

六樂俱陳。無以歌其神武。坐鈞臺而誓衆。似啟繼夏禹之功。入商郊而問罪。姬發成周文之志。無改之道。大孝也與。以上成功之速能成先代之志

呂氏春秋貴因篇曰。武王至鮪水。殷使膠鬲候周師。武王曰。將以甲子至殷郊。水經河水篇曰。又東過鞏縣北。酈注曰。縣北有山臨河。其下有穴。謂之鞏穴。北達于河。直穴有渚。謂之鮪渚。河自鮪穴以上。又兼鮪稱。呂氏春秋稱。武王伐紂。至鮪水。即是處矣。左襄三十一年曰。文王伐崇。再駕而降爲臣。案此云。再駕。謂武王觀兵盟津。還師居二年。乃伐紂也。史記五帝本紀曰。黃帝乃徵師諸侯。與蚩尤戰于涿鹿之野。遂禽殺蚩尤。集解引張晏曰。涿鹿在上谷。索隱曰。案地理志。上谷有涿鹿縣。清統志曰。直隸宣化府涿鹿山。在保安州東南。案今涿鹿縣。又五帝紀正義引龍魚河圖曰。黃帝以仁義不能禁止蚩尤。乃仰天而歎。天遣玄女下授黃帝兵信神符。制伏蚩尤。大荒北經曰。蚩尤請風伯雨師。縱大風雨。黃帝乃下天女曰魃。雨止。遂殺蚩尤。崔豹古今注曰。黃帝與蚩尤戰于涿鹿之野。蚩尤作大霧。兵士皆迷。於是作指南車。以示四方。遂擒蚩尤。此云九伐。殆指此等與周禮大司馬九伐無涉也。文選阮嗣宗爲鄭冲勸晉王牋曰。呂尙碯溪之漁者。一朝指麾。乃封營丘。李善注引魏書荀攸勸進曰。呂望暫把旄鉞。一時指麾。史記秦

始皇本紀會稽立石文曰皇帝休烈平一字內。光宅天下見徐孝穆書注。周禮春官馮相氏曰三有八星之位孔疏曰若指星體而言謂之星日月會于其星即名宿亦名辰亦名次亦名房史記天官書曰三十八舍主十二州正義曰二大舍謂東方角亢氐房心尾箕北方斗牛女虛危室壁西方奎婁胃昂畢觜參南方井鬼柳星張翼軫星經云自南斗牽牛吳越之分野揚州倪曰晉書天文志云南斗三度至須女七度爲星紀於辰在丑吳越之分野屬揚州斗牛兩星皆星紀之次故云一星時江表未平吳越尙爲陳有於天星缺斗牛之次也。通典州郡一曰周初尙有千八百國其後諸侯相并有千二百國。十洲記曰鳳麟洲在西海之中央倪曰言四海俱歸所遺漏者係海外之一洲耳。吳曰晉書咸寧太康武帝年號倪曰咸康疑太康步瀛案作太康是。吳曰後漢書建武光武年號。賈生過秦論曰嘗試使山東之國與陳涉度長絜大比權量力則不可同年而語矣。左隱五年曰夫舞所以節八音而行八風杜注曰八風八方之風也釋文曰八方之風謂東方谷風東南清明風南方凱風西南涼風西方闔闔風西北不周風北方廣莫風東北方融風孔疏引易緯通卦驗曰立春調風至春分明庶風至立夏清明風至夏至景風至立秋涼風至秋分闔闔風至立冬不周風至冬至廣莫風至御覽天部引

春秋考異郵白虎通八風篇並與易緯同惟調風作條風而淮南墜形篇曰何謂八風東北曰炎風東方曰條風東南曰景風南方曰豈風西南曰涼風西方曰颺風西北曰麗風北方曰寒風。司馬長卿封禪文曰蜚英聲騰茂實。六樂見徐孝穆書注易繫辭曰神武而不殺。左昭四年椒舉曰夏啓有鈞臺之享杜注曰啓禹子也河南陽翟縣有鈞臺陂蓋啓享諸侯於此史記夏本紀曰禹爲姁姓。書牧誓曰時甲子昧爽王朝至于商郊牧野乃誓又武成曰我文考克成厥勳予小子其成厥志（僞古文）。論語學而篇曰三年無改於父之道可謂孝矣

當今鹿臺已散離宮已遣兵藏武庫馬入華山立明堂之制奏大武之樂盛矣哉上天降休未之有也政須東南一尉立於比景之南西北一候置於交河之北然後命東后詔蒼冥衢壇琬碑銀繩瓊檢告厥成功差無慙德以上功成告天與起語相應

周書克殷篇曰命南宮忽振鹿臺之錢散巨橋之粟（依朱右曾校）史記周本紀曰命南宮括散鹿臺之財發鉅橋之粟（僞古文武成本此）。後漢書陳蕃傳注引帝王世紀曰紂作傾宮多采美女以充之武王伐紂乃歸傾宮之女於諸侯司馬長卿上林賦曰離宮別館。樂記曰倒載干戈包之以虎皮天下知武王之不復用兵也。樂記曰馬散之華山之陽而弗復乘史

記周本紀曰縱馬於華山之陽。禮記明堂位曰昔者周公朝諸侯于明堂之位藝文類聚禮部引孝經援神契曰明堂者天子布政之宮又引尸子曰黃帝曰合宮有虞曰總章殷人曰陽館周人曰明堂。周禮春官大司樂鄭注曰大武武王樂也武王伐紂以除其害言其德能成武功。漢書楊雄傳解嘲曰今大漢東南一尉西北一侯孟康曰會稽東部都尉也敦煌玉門關候也步瀛案言漢疆域之廣控御之遠東南以都尉之制統之如吳志虞翻傳注引會稽典錄言東部都尉是也西北以候官之制統之如續漢郡國志張掖屬國有候官是也然亦相互爲文其實東南亦有候官故續志會稽郡有東侯官（誤作東部侯國今依惠棟錢大昕校）西北亦有都尉故漢地理志敦煌郡敦煌縣及陽關玉門關皆都尉治是也。漢書地理志曰南郡有比景縣如淳曰日中於頭上景已在下故名之讀史方輿紀要曰比景故城在占城北境。交河見江文通書注。書舜典曰肆覲東后鄭玄注曰東后東方之諸侯也（公羊隱八年疏引）。蒼冥疑即蒼靈文選顏延年曲水詩序曰蒼靈奉塗李善注曰蒼靈青帝也尙書帝命驗曰帝者承天立五府蒼曰靈府鄭玄曰蒼帝靈威仰之府吳注以玄冥當之又胡渭生引謝玄暉辭隨王牋滄冥未運恐皆非是。何妥奉敕於太常寺脩正古樂詩曰衢壇聽九成與

此衢壇字同琬碑見鮑明遠河清頌。銀繩瓊檢亦見河清頌鏐檢注。書禹貢曰禹錫玄圭告厥成功白虎通封禪篇曰功成封禪以告太平也。左襄二十九年吳公子札請觀於周樂見舞韶濩者曰聖人之弘也而猶有慙德聖人之難也杜注曰韶濩殷湯樂爲古文仲虺之誥曰成湯放桀于南巢惟有慙德

臣忝竊榮幸蒞政東藩不獲躬到闕庭預觀大慶不勝鳬藻踴躍之至謹遣主簿陪

臣曹敏奉表以聞

以上表賀。駢文不難於典麗此文藻采鋪敘而又生氣遠出句句欲活是以可貴

漢書景十三王傳中山靖王曰位雖卑也得爲東藩曹子建求自試表曰位竊東藩倪曰信時爲洛州刺史在國東藩。曹子建上責躬詩表曰僻處西館未奉闕庭踴躍之懷瞻望反側文選秋胡詩鳬藻馳目成李善注引班彪冀州賦曰感鳬藻以進樂兮呂延濟注曰鳬鳥得水草歡躍而進也。唐六典（卷三十）曰武帝元光三年初置郡刺史十三人掌奉詔條察諸州居無常所後漢則有定所屬官則有別駕治中主簿功曹等員皆有辟除以刺衆官及萬人非違故謂之刺史自漢魏以來或爲牧或爲刺史皆管郡。文選謝平原內史表李善注引蔡邕獨斷曰諸侯境內自相以下皆爲諸侯稱臣於朝皆稱陪臣

謝滕王集序啟

周書文閔明武宣諸子傳曰文帝子滕聞王道字爾固突少好經史解屬文武成初封滕國公建德三年進爵爲王大象元年五月詔以荊州新野郡邑萬戶爲滕道出就國二年朝京其年冬爲隋文帝所害案道序存庾子山集中

信啟。伏覽制垂賜集序。紫微懸映如傳闕里之書。青鳥遙飛似送層城之璧。若夫甘泉宮裏玉樹一叢。玄武闕前明珠六寸。不得譬此光芒。方斯燭照。有節有度。卽是能平。八風愈唱。愈高。殆欲去天三尺。以上稱其序文之佳

蔡邕獨斷曰天子其言曰制詔制者王者之言必爲法制也文選卷三十六李善注引獨斷曰諸侯言曰敎是滕王言宜稱敎此但謂制作非謂制詔也。周禮大宗伯賈疏引春秋元命苞曰紫微宮爲大帝文選西都賦李善注引元命苞曰紫之言此也中之言宮也言天神圖法陰陽開閉皆在此中也。太平御覽學部引孝經中契曰某作孝經文成而天道立（而天二字依路史餘論增）乃齊以白之天則玄雲涌北極（涌字極字皆據路史引訂增）紫宮開北門角亢星北落司命天使書題號云孝經篇（路史引有目字）又禮儀部引孝經右契曰制作孝